

林裕凱：燕仔 ê 祭式

(桃紅字：表聲音內容)

Ah, 風 ê 使者

Pat tī 風城伴 gún 空中放送

Pat kā Wilde 王子 tâu-sa<sup>n</sup>-kāng

Pat kah Dona 往牛墟沿路 tshiàng

Tsit-má, 你倒 tī Keyboard 邊

翹股羽翼 (ú-i'k) sio-siàng 金 sih-sih

Ah, Ta-khiû ê kha 爪

Tī<sup>n</sup>無你奮鬥 ê 過去

你是 tsia<sup>n</sup>-tng 壯年 leh

你 ê siū, Kám 無

Tsi<sup>n</sup>-kiá<sup>n</sup> 念念 teh huah iau

Lín tau, Kám 無

老鳥心心 teh thing 候

Ah, 莫怪目 tsiu koh 金金

Kám m̄是 teh 怨嘆 Moirae

Ta<sup>n</sup>, 請你 tio'h 平靜

Kàu kah tsit ê khám-tsām

你是 beh 佔一角世界餘地

Iah 是 beh 順 Acheron 溪水浮流

或者--是, Kiông-beh 化作 Phoenix

通過焰火再造粹鍊

自由 kap 尊嚴 bōe-tàng koh 自主

Ta<sup>n</sup>, 你 tio'h 安歇, 風 ê 使者

安歇囉